

唐書合鈔

唐書卷第十一

本紀十一

代宗

代宗睿文孝武皇帝諱豫肅宗長子母曰章敬皇太后  
吳氏以開元十四年十二月十三日生於東都上陽宮  
初名俶年十五封廣平王元宗諸孫百餘上爲嫡皇孫  
宇量宏深寬而能斷喜懼不形於色仁孝溫恭動必由  
禮幼而好學尤專禮易元宗鍾愛之祿山之亂京城陷  
賊從肅宗蒐兵靈武以上爲天下兵馬元帥時朝廷草  
創兵募寡弱上推心示信招懷流散比至彭原兵衆數  
萬及肅宗迴幸鳳翔時房琯郭子儀繼戰不利賊鋒方

銳屢來寇襲上選求勇幹頻挫其鋒聖慮遑寧士心大振及師進討百官辭送步出闕門方始乘馬迴紇葉護王子率兵入助勇冠諸蕃上接以優恩結爲兄弟故香積之戰賊徒大敗遂委西京而遁雖子儀嗣業之奮命由上恩信結於士心故人思自效旣收京城令行禁止民庶案堵秋毫不犯耆老歡迎對之獻欬聞賊殘衆猶保陝郊卽日長驅東趨虢洛新店之役一戰大捷慶緒之黨十殲七八數旬之間河南底定兩都恢復二聖迴轡統率之功推而不受肅宗還京大赦改封楚王乾元元年三月改封成王五月庚寅立爲皇太子改名豫

初太

子生之歲豫州獻嘉禾  
於是以爲祥乃更名豫

上元末年兩宮不豫太子往來

侍疾躬嘗藥膳衣不解帶者久之及承監國之命流涕

從之寶應元年四月肅宗大漸所幸張皇后無子后懼

上功高難制陰引越王係於宮中將圖廢立乙丑皇后

矯詔召太子中官李輔國程元振素知之乃勒兵於凌

霄門俟太子至卽衛從太子入飛龍廐以俟其變是夕

勒兵於三殿收捕越王係及內官朱光輝馬英俊等禁

錮之幽皇后於別殿丁卯肅宗崩元振等始迎上於九

仙門見羣臣行監國之禮己巳卽皇帝位於柩前

癸酉  
始聽

政甲戌詔國之大事戎馬爲先朝有舊章親賢是屬故

求諸必當用制於中權存乎至公豈慙於內舉特進奉

節郡王适可天下兵馬元帥

郭子儀罷副元帥

乙亥以兵部尚

書判元帥行軍閑廐等使李輔國進號尚父飛龍閑廐

副使程元振爲右監門將軍流宦官朱光輝啖廷瑤陳

仙甫等於黔中五月己卯朔

壬午

以李輔國爲司空兼中

書令餘如故

庚寅追尊母爲皇太后

辛卯制曰三年之喪天下達

禮苟或變革何以教人朕邁此閔凶攀號罔極公卿固

請俾聽朝務斬焉縗經痛貫心靈豈可便議公除遽移

諒闇昨見所司儀注今月十三日大祥十五日從吉仰

憑遺制又欲抑予竊惟哀思深謂未可其百僚並以此

釋服朕將繼武丁之道素冠之詩恭默再周不忍權奪

凡庶在位宜悉哀懷宰臣苗晉卿等三上表請依遺制

方聽政丙戌嗣魯王宇改封鄒王奉節郡王迺進封魯

王

新書在四月乙亥

李光弼進封臨淮王貶禮部尚書蕭華爲

陝州司馬改行乾元錢重稜小錢一當二重稜大錢一

當三丙申以戶部侍郎元載同中書門下平章事充度

支轉運使

案肅宗紀建辰月戊申載已同平章事矣此乃充轉運使耳元載字當在同平章事下

改乾元大小錢並一當一

李光弼及史朝義戰於深州敗之

丁酉御丹

鳳樓大赦子儀光弼李光進諸道節度使並加實封四

月十七日立功人並號寶應功臣內外交武官三品已

上進爵四品已下加階諸州防禦使並停內外官三考

一轉

刺史子一子官子爲父後者勲一轉免民逋租宿負

益昌郡王邈進封鄭王

延慶郡王迥進封韓王故庶人皇后王氏故庶人太子

瑛鄂王瑤光王琚並宜復封號棣王琰永王璘並與昭

雪建寧王倓追封齊王崇恩王泌追封衛王

案必兩書本傳皆初

封西平追封衛無崇恩

靈昌王榮追封鄆王王寅以來瑱復爲襄

州刺史山南東道節度使六月己酉朔百僚臨於西宮

上不視朝自是每朔望皆如之迄於山陵凡人臣有事

辭見先臨西宮然後詣朝改豫州爲蔡州避上名也侍

中苗晉卿以老疾請三日一入中書從之

辛亥追廢皇后張氏愆王

係充王儻  
皆爲庶人

己未罷尙父李輔國判元帥行軍及兵部尙

書閑廐等使輔國請遜位辛酉以輔國爲博陵王罷中

書令許朝朔望王申以通州刺史劉晏爲戶部侍郎兼

御史大夫京兆尹充度支轉運鹽鐵諸道鑄錢等使秋

七月己卯朔辛巳觀軍容使魚朝恩封馮翊郡開國公

宦官程元振爲鎮軍大將軍保定郡開國公乙酉襄州

刺史裴茂長流費州賜死於藍田驛庚寅詔不許匭使

閱投匭人文狀賜道州司馬敬羽自盡來瑱自襄州來

朝郭子儀自河中來朝

癸巳劍南西川兵馬使徐知道反

八月己酉朔

案九月丁丑朔則是  
月朔當戊申非己酉

自七月不雨至此月癸丑方雨

己未



知道庚午夜西北有赤光亘天貫紫微漸移東北彌漫

半天貶太子少傅李遵爲袁州刺史辛未台州賊袁晁陷

台州連陷浙東州縣九月丁丑朔魯王适改封雍王新書

在八月乙亥案德宗紀當從新書以山南東道節度使來瑱爲兵部尙

書同中書門下平章事節度如故程元振進封邢國公

戊子鳳州刺史呂日將及党項羌戰於三嵯谷敗之丙申右僕射山陵使裴冕貶

施州刺史戊戌新書迴紇登里可汗率衆來助國討逆

令御史大夫尙衡宣慰之甲午太州至陝州二百餘里

黃河清澄澈見底祕書監韓穎中書舍人劉烜配流嶺

表尋賜死坐狎昵李輔國也冬十月壬寅大閱癸卯辛

袁晁陷信州

酉詔天下兵馬元帥雍王統河東朔方及諸道行營迴

紇等兵十餘萬討史朝義會軍於陝州加朔方行營節

度使大寧郡王僕固懷恩同中書門下平章事丁卯新書

王夜盜殺李輔國於其第竊首而去戊辰元帥雍王率

諸軍進發留郭英乂魚朝恩鎮陝州壬申王師次洛陽

北郊癸酉雍王甲戌戰於橫水賊大敗俘斬六萬計史

朝義奔冀州史朝義將張獻誠以汴州降乙亥雍王奏收東京河陽

汴鄭滑相魏等州十一月乙酉陝西節度使郭英乂權

知東京留守丁亥朝義將薛嵩以相衛洛邢四州降丁酉偽恒州節度使

張忠志以趙定深恒易五州歸順以忠志檢校禮部尙

書恒州刺史充成德軍節度使賜姓名曰李寶臣於是

河北州郡悉平賊范陽尹李懷仙斬史朝義首來獻請

降

新書在明年正月甲申當從新書

十二月

已酉太府左藏庫火

庚戌太子太師

邵國公韋見素薨

戊辰瘞京城內外暴骨

辛未僕固懷恩爲尙書

左僕射兼中書令靈州大都督府長史河北副元帥

新書

在十一月已亥○甲戌李光弼及袁晁戰於衢州敗之

邛州新置鎮南軍是歲江

東大疫死者過半吐蕃陷臨洮秦成渭等州

舒州人楊昭反殺其

刺史劉秋子西原蠻叛

二年

廣德元年

春正月乙亥朔

甲申田承嗣以魏州降

甲午戶部尙書

兼御史大夫都統淮南節度觀察等使越國公李恒卒

國子祭酒兼御史大夫京兆尹劉晏爲吏部尙書同中

書門下平章事度支諸使如故壬寅

新書  
癸未

制開府儀同

三司行兵部尙書同中書門下平章事充山南東道節  
度觀察處置等使上柱國潁國公來瑱削在身官爵長  
流播州尋賜死於路閏月戊申以史朝義下降將李寶  
臣爲檢校禮部尙書兼御史大夫恒州刺史清河郡王  
充成德軍節度使薛嵩爲檢校刑部尙書相州刺史相  
衛等州節度使李懷仙檢校兵部尙書兼侍中武威郡  
王幽州節度使田承嗣檢校戶部尙書雁門郡王魏博  
等州都防禦使二月甲午迴紇登里可汗辭歸蕃三月

甲辰朔襄州右兵馬使梁崇義殺大將李昭據城自固

乃授崇義襄州刺史山南東道節度使丁未袁係破袁

晁之衆於浙東元宗肅宗歸祔山陵自三月一日廢朝

至於晦日百僚素服詣延英門通名起居

辛酉葬至道大聖大明孝

皇帝於泰陵甲子党項羌寇同州郭子儀敗之於黃

夏

四月戊寅太州依舊爲華州太陰縣爲華陰縣庚辰河

南副元帥李光弼奏生擒袁晁浙東州縣盡平辛巳羣

臣請上尊號五月癸卯朔丙寅尙書省試制舉人命左

右丞侍郎對試賜食如舊儀太常卿杜鴻漸奏婚葬合

給鹵簿望於國立大功及二等已上親則給餘不在給

限從之六月癸酉朔癸未以陳鄭澤潞節度使李抱玉

檢校司空

兼兵部尚書

封武威郡王河中節度使王昂檢校

刑部尚書封邳國公同華節度使李懷讓檢校工部尚

書同日入省宰相送上甲申以前淮西節度使王仲昇

爲右羽林大將軍兼御史大夫六軍將軍兼大夫自仲

昇始也甲午觀軍容使魚朝恩自陝州入朝上御達禮

門命公卿百僚觀兵馬同華節度使李懷讓自殺爲程

元振所構秋七月壬寅朔戊申羣臣上尊號曰寶應元

聖文武孝皇帝御含元殿受冊王子御宣政殿宣制改

元曰廣德大赦天下常赦不原者咸赦除之安祿山史

思明親族應在諸道一切原免不問民戶三丁免一丁

庸租稅依舊每畝二升男子二十成丁五十入老

給復河北

三年迴紇行營所經免今歲租

元帥雍王兼中書令河北副元帥僕固

懷恩加太保迴紇登里可汗進徽號功臣皆賜錢券藏

名太廟畫像凌烟閣刺史縣令自今後改轉刺史以三

年爲限縣令四年爲限員外及攝試不得釐務丁巳僕

固瑒兼御史大夫充朔方行營節度使是月吐蕃大寇

河隴陷秦成渭三州入大震關陷蘭廓河鄯洮岷等州

盜有隴右之地八月以荆南節度使李峴爲宗正卿九

月壬寅僕固懷恩拒命於汾州

新書在八月

遣宰臣裴遵慶

往宣撫之乙丑吐蕃寇涇州刺史高暉以城降因爲吐

蕃鄉導冬十月庚午朔

吐蕃陷邠州

辛未高暉引吐蕃犯京

畿寇奉天武功整屋等縣蕃軍自司竹園渡渭循南山

而東

壬申雍王适爲關內兵馬元帥郭子儀副之癸酉渭北行營兵馬使呂日將及吐蕃戰於整屋敗之

乙亥又戰於整屋敗績

丙子駕幸陝州上出苑門射生將王獻忠

率四百騎叛脅豐王已下十王歸京從官多由南山諸

谷赴行在郭子儀收合散卒屯於商州丁丑次華州官

吏藏竄無復儲擬會魚朝恩領神策軍自陝來迎駕乃

幸朝恩軍

豐王珙有罪伏誅

戊寅吐蕃入京師立廣武王承宏

爲帝仍逼前翰林學士李可封爲制封拜辛巳車駕至



陝州子儀在商州會六軍使張知節烏崇福長孫全緒等率兵繼至軍威遂振舊將王甫誘聚京城惡少齊擊街鼓於朱雀街蕃軍震懼狼狽奔潰庚寅新書子儀收

京城壬辰以宰臣元載判天下元帥行軍司馬京兆尹

兼吏部侍郎嚴武爲黃門侍郎朗州刺史第五琦爲京

兆尹兼御史大夫癸巳以郭子儀爲京留守高暉聞吐

蕃潰以三百騎東奔至潼關爲關守李伯越所殺南山

人高十一月辛丑太常博士柳伋上疏以吐蕃寇犯京

師罪由程元振請斬之以謝天下上甚嘉納以元振有

保護之功削在身官爵放歸田里十二月辛未劉晏甲

宣慰上都

辰

案是月無甲辰誤

宦官市舶使呂太一逐嶺南節度使張休

縱下大掠廣州

新書在十一月壬寅

丁亥車駕發陝郡還京辛卯

鄂州大風火發江中焚船三千艘焚居人廬舍二千家

甲午上至自陝州乙未以侍中苗晉卿爲太子太保黃

門侍郎同平章事裴遵慶爲太子少傅並罷知政事宗

正卿

檢校禮部尙書

梁國公李峴爲黃門侍郎同中書門下平

章事丙申放廣武王承宏於華州一切不問丁酉朔方

行營節度使僕固瑒爲帳下梟首來獻懷恩聞瑒死燒

營遁入吐蕃朝臣稱賀上不悅曰朕之涼德信不及人

致勲臣顛覆用增愧恧何至賀焉程元振自三原縣衣

婦人服入京城京兆府擒之以聞乃下御史臺鞠問吐

蕃陷松州維州雲山城籠城

西原蠻  
陷道州

二年春正月己亥朔壬寅御史臺以程元振獄狀聞配  
流溱州既行追念舊勲特矜遐裔令於江陵府安置癸  
卯尚書右丞顏真卿爲刑部尚書兼御史大夫充朔方  
宣慰使甲辰復置京畿觀察使以御史中丞領之  
丙午  
堪御史諫官  
詔舉  
刺史縣令者癸亥吏部尚書同平章事度支轉運使劉  
晏爲太子賓客黃門侍郎同平章事李峴爲太子詹事  
並罷知政事以前右散騎常侍王縉爲黃門侍郎太常  
卿杜鴻漸爲兵部侍郎並同中書門下平章事罷度支

使以戶部侍郎第五琦專判度支及諸道鹽鐵轉運鑄

錢等使甲子元帥中書令雍王三上章讓皇太子第五

琦奏諸道置常平倉使司量置本錢和糴許之丁卯司

徒兼中書令郭子儀充河東副元帥河中等處觀察使

兼雲州大都督單于鎮北大都護表杜鴻漸加莊宅使二月己巳

朔冊天下兵馬元帥中書令雍王适爲皇太子新書在正月乙卯

卯癸酉上親薦獻太清宮太廟癸酉朝獻於太清宮甲戌朝享於太廟乙

亥祀昊天上帝於圓丘卽日還宮戊寅以澧州刺史裴

冕爲左僕射兼御史大夫充東都河南江南淮南轉運

使己丑大赦賜內外官階爵武德功臣子孫予一人官成都靈武元從三品以上加賜爵一級餘加一階實

應功臣三品以上官一子仍賜爵一級餘  
加階勲兩轉五品以上為父後者勲兩轉  
乙未第五琦

開決汴河  
三月辛丑給復河南府夏表四月壬午朔方

左僕射同平章事兼太保僕固懷恩  
為太保甲午杜鴻漸為中書侍郎  
五月丁酉朔戊午

敕中書門下兩省加置散騎常侍四員官為正三品庚

申罷歲貢孝悌力田童子等科甲子禁錮作珠翠等委

所司切加捉搦  
新書在四月甲午  
癸未制太保兼中書令靈州

大都督府長史單于鎮北副大都護充朔方節度關內

度支營田鹽池押諸蕃部落副大使知節度事六城水

運使河北副元帥上柱國大寧郡王僕固懷恩先任靈

州大都督府長史單于鎮北副大都護河北副元帥朔

方節度等使宜並停其太保兼中書令大寧郡王如故

洛水溢六月丁卯秋七月庚子初已酉河南副元帥太

尉兼侍中臨淮王李光弼薨於徐州廢朝三日判度支

第五琦兼京兆尹御史大夫八月丁卯新書宰臣王縉

爲侍中持節都統河南淮西淮南山南東道節度行營

事進封太原郡公壬申固讓侍中從之宰相杜鴻漸判門

下省事癸巳表甲午王縉兼領東京留守吐蕃寇邠州邠

德敗之九月乙未朔丙申詔徵河東兵討吐蕃將發是

夜軍衆諠譟劫節度使崔寓家財及民家財產殆盡皆

重裝而行吏不能禁自七月大雨未止京城米斗值一

千文蝗食田丙午河東節度使辛雲京檢校尙書右僕  
射同中書門下平章事太原尹北京留守己酉江南西  
道觀察使張鎬卒辛亥河東副元帥中書令汾陽郡王  
郭子儀加太尉充北道邠寧涇原河西已東通和吐蕃  
及朔方招撫使陳鄭澤潞節度使李抱玉進位司徒充  
南道通和吐蕃使鳳翔秦隴臨洮以東觀察使表甲寅子  
儀三表懇讓太尉許之己未劍南節度使嚴武攻拔吐  
蕃當狗城破蕃軍七萬尙書左丞楊綰知東京選禮部  
侍郎賈至知東都舉兩都分舉選自至始也辛酉以太  
子詹事李峴爲吏部尙書兼御史大夫知江南東西及

福州道選事并勸農宣慰使仍命洪州刺史李勉副知

選事是秋蝗食田殆盡關輔尤甚米斗千錢是秋有域冬十

月丙寅僕固懷恩引吐蕃二萬寇邠州節度使白孝德

閉城拒守丁卯寇奉天京師戒嚴辛未先鋒郭晞斬賊營

於邠州西俘斬數百計子儀屯涇陽蕃軍挑戰子儀不

出甲申河南尹蘇震卒庚午劍南嚴武奏收吐蕃鹽川城

是月突厥寇豐州十一月乙未懷恩與蕃軍自潰京師

解嚴河西節度使楊志烈及僕固懷恩戰於靈州敗績丁未子儀自涇陽入覲

詔宰臣百僚迎之於開遠門上御安福寺待之癸丑袁晁伏誅

免越州今歲田租之半十二月乙丑加子儀關內河中



副元帥兼尚書令吏部侍郎暢瑊爲左散騎常侍河中

尹表辛未

子儀三表讓尚書令詞情懇切優詔從之

高玉伏誅

丁卯

新書丙寅

夜星流如雨戊辰子儀於都省領副元帥事

宰臣百僚送仍令射生五百騎戎服自光範門送至省

門右僕射郭英乂以樂迎之是日便赴奉天是歲戶部

計帳管戶二百九十三萬三千一百五十五口二千六

百九十二萬三百八十六

西原蠻陷邵州

永泰元年春正月癸巳朔制曰叶五紀者建號以體元  
授四時者布和而順氣天心可見人欲是從爰立大中  
之道式受惟新之命朕嗣膺下武獲主萬方顧以薄德

乘茲艱運戎麾問罪今已十年飲至策勲惟凶渠之授  
首勞師黷武豈人主之用心軍役屢興干戈未戢茫茫  
士庶斃於鋒鏑皇穹以朕爲子蒼生以朕爲父至德不  
能被物精誠不能動天俾我生靈淪於溝壑非朕之咎  
孰之過歟朕所以馭朽懸旌坐而待曙勞懷罪已之念  
誕想安人之策亦惟羣公卿士百辟庶僚咸聽朕命協  
宣乃力履清白之道還淳素之風率是黎元歸於仁壽  
君臣一德何以尙茲迺者刑政不修惠化未洽旣盡才  
力良多抵犯靜惟哀矜實軫於懷今將大振綱維益明  
懲勸肇舉改元之典宏敷在宥之澤可大赦天下改廣

德三年爲永泰元年是日雪盈尺戊申澤潞李抱玉兼  
鳳翔隴右節度使兼南道通和吐蕃鳳翔秦隴臨洮已  
東觀察處置等使仍命四鎮行營節度使馬璘爲副和  
吐蕃使癸丑罷岐州之鳳翔縣併入天興縣乙卯左散  
騎常侍高適卒戊午劍南節度使嚴武加檢校吏部尚  
書山南西道節度使張獻誠加檢校工部尚書以前太  
子少保王璵爲太子少師前袁州刺史李遵爲太子少  
保聽朝朔望是月歙州人殺其刺史龐濬二月甲子夜雷霆震擊丁  
丑內出宮女千人品官六百人守洛陽宮戊寅党項羌  
寇富平焚定陵寢殿庚辰儀王璿薨諸陵署復隸太常

寺戊子河西党項永定等十二州部落內屬請置宜芳等十五州許之三月壬辰朔詔左僕射裴冕右僕射郭英乂太子少傅裴遵慶檢校太子少保白志貞太子詹事臧希讓左散騎常侍暢璀檢校刑部尚書王昂高昇檢校工部尚書崔渙吏部侍郎李季卿王延昌禮部侍郎賈至涇王傅吳令瑤等十三人並集賢院待詔上以勲臣罷節制者京師無職事乃合於禁門書院間以文儒公卿寵之也仍特給殮本錢三千貫庚子夜降霜木  
有冰歲饑斗米千錢諸穀皆貴丙午鳳翔李抱玉讓司徒從之授左僕射同平章事庚戌吐蕃請和詔宰臣元

載杜鴻漸與蕃使同盟於唐興寺辛亥大風拔木是春  
大旱京師米貴斛至萬錢夏四月己巳乃雨戊子太保  
致仕苗晉卿薨庚寅劍南節度使檢校吏部尚書嚴武  
卒五月癸丑以尚書右僕射定襄郡王郭英乂爲成都  
尹御史大夫充劍南節度使是月麥稔判度支第五琦  
奏請十畝稅一畝效古什一而徵從之六月癸亥吏部  
尚書李峴南還迥至江陵貶衢州刺史自春無雷至此  
月甲申大風而雷代州置代北軍平州置柳城析通州  
石鼓縣置巴渠縣是夏蓋屋  
稽麥生秋七月辛卯朔淄青節度  
使侯希逸爲副將李懷玉所逐制以鄭王邕爲平盧淄

青節度大使令懷玉權知留後事以久旱遣近臣分錄

京城諸獄繫囚甲午昇平公主出降駙馬都尉郭曖庚

子雨時久旱京師米斗一千四百他穀食稱是八月乙

亥河南道副元帥涇原當作邠寧節度使馬璘封扶風郡王

庚辰王縉為河南副元帥僕固懷恩及吐蕃回紇党項羌渾奴刺寇邊九月庚寅命百官觀浮屠象於

光順辛卯太白經天丁酉僕固懷恩死於靈州之鳴沙

縣時懷恩誘吐蕃數十萬寇邠州甲辰客將尙品息贊磨

尙悉東贊等寇奉天醴泉党項羌渾奴刺寇同州及奉

天逼鳳翔府蓋屋縣京師戒嚴時以星變羌虜入寇內

出仁王佛經兩輿付資聖西明二佛寺置百尺高座講

之及奴虜寇逼京畿方罷講己酉郭子儀自河中至進  
屯涇陽李忠臣屯東渭橋李光進屯雲陽馬璘郝玉屯  
便橋駱奉仙李伯越屯盤屋李抱玉屯鳳翔周智光屯  
同州杜冕屯坊州上親率六軍屯苑內庚戌下詔親征  
內官魚朝恩上言請括私馬京城男子悉阜衣團結塞  
京城二門之一士庶大駭有踰垣鑿竇出城者吏不能  
禁自丙午至甲寅大雨平地水流丁巳吐蕃大掠京畿  
男女數萬計焚廬舍而去同華節度使周智光以兵追  
擊於澄城破賊萬計

智光入於鄜州殺其刺史張麟遂焚坊州

冬十月

沙陀殺楊

烈志已未復講仁王經於資聖寺吐蕃至邠州與迴紇相

遇復合從入寇辛酉逼奉天癸亥党項羌攻同州焚州

民廬舍

乙丑寇興平丁卯同紀党項羌請降

丁丑郭子儀說諭迴紇令與

吐蕃疑貳庚辰

新書癸酉

子儀先鋒將白元光合迴紇軍擊

吐蕃之衆於靈臺縣之西原斬首五萬級俘獲人畜凡

三百里不絕辛巳京師解嚴壬午僕固懷恩大將僕固

名臣以千騎來降詔稅百官錢市絹十萬以賞迴紇乙

酉迴紇首領胡祿都督來朝丁亥分宜饒歛戶口於秋

浦縣置池州分信州弋陽置貴溪縣閏月辛卯朔方將

李懷光奏收靈武郡以京兆少尹黎幹爲京兆尹丙午

封朔方大將孫守亮等九人爲異姓王李國臣等十三



人爲同姓王丁未百僚上表以軍興急於糧餉請納職田以助費從之戊申進封渭北節度使李光進爲武威郡王以刑部侍郎路嗣恭檢校工部尙書兼御史大夫靈州大都督府長史充關內副元帥兼知朔方節度等使劍南節度使郭英乂爲其檢校西山兵馬使崔旰所殺辛亥劍南西山兵馬使崔旰反寇成都節度使郭英乂奔於靈池普州刺史韓澄殺之邛州栢茂林瀘州楊子琳劍南李昌巵皆起兵討旰蜀中亂癸丑敏民贊作十一月宰臣河南都統王縉請減諸道軍資浮屠供錢四十萬貫修洛陽宮從之十二月己酉敕如聞諸州承本道節度觀察使牒科役百姓致戶口彫弊此後委

轉運使察訪以聞

二年

大歷元年

春正月丁巳朔大雪平地二尺壬辰減子孫

襲實封者半租永爲常式乙酉制治道同歸師氏爲上  
化人成俗必務于學俊造之士皆從此途國之貴游罔  
不受業修文行忠信之教崇祇庸孝友之德盡其師道  
乃謂成人然後揚于王庭敷以政事徵之以理任之以  
官寘於周行莫匪邦彥樂得賢也其在茲乎朕志承理  
體尤重儒術先王設教敢不虔行頃以戎狄多虞急於  
經畧太學空設諸生蓋寡絃誦之地寂寥無聲函丈之  
間殆將不掃上庠及此甚用閔焉今寓縣又寧文武並

備方投戈而講藝俾釋菜以行禮使四科咸進六藝復興神人以和風化浸美日用此道將無間然其諸道節度觀察都防禦等使朕之腹心久鎮方面眷其子弟爲奉義方修德立身是資藝業恐干戈之後學校尙微僻居遠方無所咨稟負經來學宜集京師并宰相朝官六軍諸將子弟欲得習學可並補國子學生其中身雖有官欲附學讀書者亦聽其學官委中書門下選行業堪爲師範者充其學生員數所習經業供承糧料增修學館委本司條奏以聞丙戌以戶部尙書劉晏充東都京畿河南淮南江南東江西道湖南荆南山南東道轉運常

平鑄錢鹽鐵等使以戶部侍郎第五琦充京畿關內河  
東劍南西道轉運常平鑄錢鹽鐵等使至是天下財賦  
始分理焉二月丁亥朔釋奠於國學賜宰臣百官殮錢  
五百貫於國學食壬辰鎮南都護依舊爲安南都護府  
乙未貶刑部尙書顏真卿爲峽州員外別駕以不附元  
載載陷之於罪也吐蕃遣使來朝壬子命黃門侍郎同平章事  
杜鴻漸兼成都尹持節充山南西道劍南東西川西山  
等道副元帥仍充劍南西川節度使以平郭英乂之亂  
也以四鎮行營節度使馬璘兼邠州刺史癸丑以山南  
西道節度使梁州刺史張獻誠兼劍南東川節度觀察

使邛州刺史柏茂林充邛南防禦使劍南西山兵馬使

崔旰爲茂州刺史充劍南西山防禦使從杜鴻漸請也

三月辛未

新書  
癸未

張獻誠與崔旰戰於梓州爲旰所敗僅

以身免夏四月辛亥詔尙書省郎中授中州刺史員外

郎授下州刺史爲定制五月丙辰稅青苗地錢使殿中

侍御史韋光裔諸道稅地迴是歲得錢四百九十萬貫

自乾元已來天下用兵百官俸錢折乃議於天下地畝

青苗上量配稅錢命御史臺差使徵之以充百官俸料

每年據數均給之歲以爲常式六月戊戌以淮南節度

使崔圓檢校尙書右僕射自春旱此月庚子始雨丁未

日重輪其夜月重輪秋七月辛酉檢校兵部尚書衢州

刺史李峴卒

癸酉

自六月大雨洛水汎溢漂溺居人廬舍

二十坊河南諸州水加荆南節度使衛伯玉檢校工部  
尚書癸未太廟二室芝草生八月丁亥國子監釋奠復  
用牲牢上元二年詔諸祠獻熟至是魚朝恩請復舊制  
壬寅以茂州刺史崔旰爲成都尹兼御史大夫劍南西  
川節度使行軍司馬邛南防禦使邛州刺史柏茂林爲  
邛南節度使從杜鴻漸請也癸卯太子少保裴遵慶爲  
吏部尚書吏部尚書崔寓爲太子少傅甲辰以開府儀  
同三司右監衛大將軍觀軍容宣慰處置使神策軍兵

馬使上柱國馮翊郡開國公魚朝恩加內侍監判國子

監事充鴻臚禮賓等使進封鄭國公辛亥以檢校禮部

尚書裴士淹充禮儀使九月庚申京兆尹黎幹以京城

薪炭不給奏開漕渠自南山谷口入京城至薦福寺東

街北抵景鳳延喜門入苑濶八尺深一丈渠成是日上

幸安福門以觀之丙子宣州刺史李佚坐賊二十四萬

貫集衆杖死籍沒其家

辛巳吐蕃  
陷原州

冬十月癸未朔乙酉

宗正卿吳王祗奏上皇室永泰新論二十卷太常博士

柳芳撰和蕃使楊濟與蕃使論位藏等來朝丙申令宰

臣宴論位藏於中書省十一月甲寅乾陵令於陵署得

赤免以獻丙辰詔古者量其國用而立稅典必終字疑

經費由之重輕公田之籍可謂通制履畝而稅斯誠弊  
法所期折中以便於時億兆不康君孰與足故愛人之  
體先以博施富國之源必均節用朕自臨宸極比屬艱  
難嘗欲闡淳朴之風守沖儉之道每念黎庶思致和平  
而邊事猶殷戎車屢駕軍興取給皆出邦畿九伐之師  
尙勤王畧千金之費重困吾人乃者遵冉有之言守周  
公之制什而稅一務於行古今則編戶流亡而墾田減  
稅計量入之數甚倍征之法納隍之懼當宁軫懷慮失  
三農憂深萬姓務從省約稍冀蠲除用申勤恤之懷以



救悍嫠之弊京兆府今年合徵八十二萬五千石數內  
宜減放一十七萬五千石青苗地頭錢宜三分取一在  
京諸司官員久不請俸頗聞艱辛其諸州府縣官及折  
衝府官職田據苗子多少三分取一隨處糶貨市輕貨  
以送上都納青苗錢庫以助均給百官甲子日長至上  
御含元殿下制大赦天下改永泰二年爲大厯元年給  
流民歸業者三年十二月己亥彗起匏瓜其長尺餘犯  
○食貨志作二年宦者星癸卯同華節度使周智光專殺陝州監軍張志  
斌前虢州刺史龐充據華州謀叛是冬無雪鄭主迎爲天下兵馬

二年春正月壬子朔丁巳密詔關內河東副元帥郭子

儀治兵討周智光

已未同華將李漢惠以同州降

壬戌貶智光爲澧州

刺史甲子以兵部侍郎張仲光爲華州刺史潼關防禦

使大理卿敬括爲同州刺史長春宮等使是日周智光

帳下將斬智光并子元耀元幹三首傳之以獻

淮西節度使李

忠臣入於華州

已巳詔潼關置兵三千癸酉詔天文著象職在

於疇人讖緯不經蠹深於疑衆蓋有國之禁非私家所

藏雖裨竈明徵子產尙推之人事王彤必驗景畧猶寘

於典刑況動皆訛謬率是矯誣者乎故聖人以經籍之

義資理化之本側言曲學實紊大猷去左道之亂政俾

彝倫而攸敘自四方多故一紀於茲或有妄庸輒陳休咎假造符命私習星厯共肆窮鄉之辨相傳委巷之談作僞多端順非僥澤熒惑州縣誣誤閭閻壞紀挾邪莫逾於此其元象器局天文圖書七曜厯太一雷公式等私家不合輒有今後天下諸州府切宜禁斷本處分明榜示嚴加捉搦先藏蓄此等書者敕到十日內送官本處長吏集衆焚毀限外隱藏爲人所告者先決一百留禁奏聞所告人有官卽與超資注擬無官者給賞錢五百貫兩京委御史臺處分各州方面勲臣洎百僚庶尹罔不誠亮王室簡於朕心無近儉人愼乃有位端本靜

未其戒之哉丁丑升魏州爲大都督府戊寅敕同華兩  
州頃因盜據民力彫殘宜給復二年一切蠲免庚辰禁  
王公宗子郡縣主之家不得與軍將婚姻交好委御史  
臺察訪彈奏二月壬午幸昆明池踏青丙戌封華州牙  
將姚懷爲感義郡王李延俊爲承化郡王以斬智光之  
功也郭子儀自河中來朝癸卯宰臣元載王縉左僕射  
裴冕戶部侍郎第五琦京兆尹黎幹各出錢三十萬置  
宴於子儀之第三月辛亥夜大風丁巳河中府獻元狐  
汴宋節度使田神功來朝戊辰貶太子少保李遵永州  
司馬坐贓也甲戌魚朝恩宴子儀宰相節度度支使京

兆尹於私第乙亥子儀亦置宴於其第戊寅田神功宴  
於其第時以子儀元臣寇難漸平蹈舞王化乃置酒連  
宴酒酣皆起舞公卿大臣列坐於席者百人子儀朝恩  
神功一宴費至十萬貫夏四月己亥以江南西道都團  
練觀察等使洪州刺史李勉爲京兆尹刑部侍郎魏少  
遊爲洪州刺史兼御史大夫江南西道觀察團練等使  
庚子宰臣內侍魚朝恩與吐蕃同盟於唐興寺丙午加  
田神功檢校右僕射癸酉以工部侍郎徐浩爲廣州刺  
史嶺南節度觀察使六月戊戌山南劍南副元帥杜鴻  
漸自蜀入朝壬寅荆南節度使衛伯玉封城陽郡王癸

卯御史大夫王翊卒秋七月戊申朔以右散騎常侍于  
休烈爲檢校工部尙書知省事時方面勲臣升八座者  
多非正員朝命正員者以知省事爲名以中書舍人張  
延賞檢校河南尹丙寅以劍南西川節度行軍司馬崔  
旰爲劍南西川節度觀察等使遂州刺史杜濟爲劍南  
東川節度觀察等使以杭州刺史張伯儀爲安南都護  
癸酉析道州延唐縣置大厯縣甲戌酉時有白氣竟天  
八月庚辰鳳翔節度使李抱玉來朝壬午月入氐丙戌  
渤海朝貢辛卯潭衡水災丙申月犯畢壬寅太常卿駙  
馬都尉姜慶初得罪賜自盡敕陵廟署復隸宗正寺九

月戊申朔歲星守東井七日甲寅吐蕃寇靈州

乙卯進寇

邠州詔子儀率師三萬自河中鎮涇陽京師戒嚴戊午

夜白霧起西北竟天子儀移鎮奉天乙丑晝有大流星

出於午沒於亥命左丞李涵宣慰河北熒惑犯南斗

天文

志在戊辰

辛未靺鞨使來朝桂州山獠陷州城刺史李良遁

去冬十月戊寅靈州奏破吐蕃二萬

朔方節度使路嗣恭及吐蕃戰於靈

州敗之

京師解嚴甲申減京官職田三分之一給軍糧乙

酉醴泉出於櫟陽飲之愈疾迴紇党項使來朝癸卯上

御紫宸殿策試茂才異行安貧樂道孝悌力田高蹈不

仕等四科舉人十一月庚申改黃門侍郎依舊爲門下

侍郎詔曰春秋以九命作上公而謂之宰臣者三公之  
職漢制中書令出納詔命典司樞密侍中上殿稱制參  
議政事魏晉已還益重其任職有關於公府事不係於  
尚書雖陳啟沃之謀未專宰臣之稱所以委遇斯大品  
秩非崇至於國朝實執其政當左輔右弼之寄總代天  
理物之名典領百僚陶鎔景化豈可具瞻之地命數不  
加固當進以等威副其僉屬其侍中中書令宜升入正  
二品門下中書侍郎升入正三品壬戌夜月暈南北河  
東井久之方散鎮星入輿鬼天文志無甲子月去軒轅一尺  
乙丑率百官京城士庶出錢以助軍辛未雨壬申京師



地震自東北來其聲如雷十二月甲申鳳翔節度使李抱玉來朝丁酉太原節度使辛雲京來朝熒惑入營壘戊戌黑氣如塵竟北方是秋河東河南淮南浙江東西福建等道五十五州奏水災

三年春正月丙午朔辛亥劍南西川罷乾州管招武寧遠二縣王子夜月掩畢甲子冊新羅國王金乾運母爲太妃甲戌以工部侍郎蔣渙爲尙書左丞浙西團練觀察使蘇州刺史韋元甫爲尙書右丞左丞李涵右丞賈至並爲兵部侍郎乙亥永和公主薨二月己卯以常州刺史李栖筠爲蘇州刺史兼御史中丞浙西團練觀察

使壬午邠寧節度使馬璘來朝

癸巳商州兵馬使劉洽殺其刺史殷仲卿三

月乙巳朔日有食之壬申割恒州行唐縣置泚州以靈

壽恒陽隸之夏四月戊寅以山南西道節度使鄧國公

張獻誠爲檢校戶部尙書以疾辭位也右羽林將軍張

獻恭爲梁州刺史兼御史中丞充山南西道節度觀察

使兄獻誠所薦也壬寅滑毫節度使令狐彰加檢校工

部尙書劍南西川節度使兼御史大夫崔旰來朝五月

戊申加崔旰檢校右散騎常侍乙卯追諡故齊王倓爲

承天皇帝興信公主亡女張氏爲恭順皇后祔葬辛酉

改桂州臨源縣爲全義縣癸亥以左散騎常侍崔昭爲

京兆尹是日地震戊辰以劍南西川節度使崔旰檢校  
工部尙書改名寧寧爲柏茂林楊子琳所攻寧旣入朝  
子琳乘虛襲據成都府朝廷憂之卽日詔寧還成都庚  
午以邛州刺史鮮于叔明爲梓州刺史充劍南東川節  
度使六月戊子承天皇帝祔奉天皇帝廟同殿異室庚  
寅太子少師王璵卒壬辰新書幽州節度使檢校侍中  
幽州大都督府長史李懷仙爲麾下兵馬使朱希彩所  
殺庚子淮南節度使檢校尙書左僕射知省事揚州大  
都督府長史趙國公崔圓卒閏月己酉郭子儀加司徒  
庚申新書宰臣充河南副元帥王縉兼幽州盧龍節度

庚午

軍

使以尚書右丞韋元甫為揚州大都督府長史兼御史

大夫充淮南節度觀察使丁卯以幽州節度副使試太

常卿朱希彩知幽州留後遣兵部侍郎李涵兼御史大

夫使河北宣慰以幽州亂故也庚午相州薛嵩魏州田

承嗣恒州李寶臣並加左右僕射

表承嗣為司空兼檢校尚書左僕射秋

七月壬申崔寧弟寬攻破楊子琳收復成都府

子琳殺夔州別

駕張忠

是日五星並聚於東井占曰中國之利也乙亥王

縉赴鎮州

戊寅吐蕃遣使來朝

八月己未

天文志己酉

月掩畢辛酉月

入東井壬戌

新書己酉

吐蕃十萬寇靈武熒惑犯太微垣

天文

志無

丁卯吐蕃寇邠州京師戒嚴戊辰邠寧節度使馬璘

破吐蕃二萬於邠州御史大夫崔渙爲稅地青苗錢使  
給百官俸錢不平詔尙書左丞蔣渙按鞠貶崔渙爲道  
州刺史庚午河東節度使檢校左僕射太原尹同中書  
門下平章事辛雲京卒門下侍郎同中書門下平章事  
兼幽州長史持節河南副元帥都統河南淮西山南東  
道諸節度行營兼幽州盧龍等軍節度使太微宮使宏  
文館大學士兼東都留守齊國公王縉兼太原尹北都  
留守充河東節度使餘官使並如故辛未以門下侍郎  
同中書門下平章事山劍副元帥太清宮使崇元館大  
學士杜鴻漸兼東都留守九月壬申郭子儀自河中移

鎮奉天歲星入輿鬼丁丑濟王環薨熒惑入太微垣壬午吐蕃寇靈州甲申以尙書左丞蔣渙爲華州刺史充鎮國軍潼關防禦使丙戌檢校戶部尙書知省事鄧國公張獻誠卒丁亥工部尙書趙國珍卒庚寅以前華州刺史張仲光爲尙書左丞壬辰靈州將白元光破吐蕃二萬於靈武戊戌靈武奏破吐蕃六萬百僚奏賀京師解嚴冬十月甲寅朔方留後靈武大都督府長史常謙光加檢校工部尙書己未以京兆尹李勉爲廣州刺史充嶺南節度使丁卯子儀自奉天來朝十一月丁亥幽州留後朱希彩爲幽州長史充幽州盧龍節度使癸巳

加廊下百官厨料增舊五分之一十二月壬寅道州刺史崔渙卒已酉以邠寧節度使馬璘爲涇原節度使移鎮涇州其邠寧隸朔方軍邠州將吏以割隸燒馬坊而亂

辛酉涇原兵馬使王童之謀反伏誅

兵馬使段秀實斬其兇首八人方定

四年春正月庚午朔甲戌大風乙亥大雪平地盈尺甲

申日有食之

新書紀志皆無

子儀回河中戊子敕有司定王公

士庶每戶稅錢分上中下三等宗室潁州刺史李岵專

殺法司以議親宜賜自盡

新書在甲戌

乙未福建觀察使李

承昭請徙汀州於長汀縣之白石村從之黑衣大食國

使朝貢二月乙巳以瀘州刺史楊子琳爲陝州刺史乙

卯宰臣杜鴻漸讓山劍副元帥從之丙辰夜地震有聲

如雷者三辛酉以湖南都團練觀察使衡州刺史韋之

晉爲潭州刺史因是徙湖南軍於潭州江西團練使魏

少遊來朝三月

遣御史稅商錢

壬申詔夫計人而置官度事而

賦任因時立制損益在焉吏足以理人人足以奉吏則

官稱其祿祿當其秩然後上下相樂公私不匱昔漢光

武時及魏太和中並減吏員兼省鄉邑致理之道此其

一隅今連歲治戎天下彫瘵京師近甸煩苦尤重比屋

流散念之惻然人寡吏多困於供費欲其蘇息不可得



也設令廉恥守分以奉科條猶有祿廩之煩役使之弊而況貪猾縱欲而動踰典章作威以虐下厚斂以潤己者乎古者縣置大夫一員足以爲治奚必貳佐分掌而後治邪且京畿戶口減耗大半職員如舊何以堪之豈可以重困之人供不給之費使人不倦其在變通制事之宜式從省便其京兆府長安萬年宜各減丞一員尉兩員餘縣各減丞尉一員餘委吏部條件處分吏部尙書裴遵慶爲右僕射劉晏改吏部尙書

甲戌免京兆今歲稅

庚寅

江西團練使魏少遊封趙國公丙申復置仙州夏四月壬寅陝州虞邑縣復爲安邑縣虢州天平縣復爲湖城

縣五月丙戌京師地震

五行志無

辛卯以僕固懷恩女爲崇

徽公主嫁迴紇可汗令兵部侍郎李涵往冊命六月丁

酉以太子詹事臧希讓檢校工部尙書充渭北節度使

以渭北節度使李光進爲太子太保

戊申王縉罷副元帥都統

辛亥

升辰州爲都督府析辰巫溪錦業等州置團練觀察使

秋七月己巳以澧州刺史崔瓘爲潭州刺史湖南都團

練觀察使癸未詔至理之代先德後刑上歡然以臨下

下欣然以奉上禍亂不作法令可施

疑當作弛

去聖久遠薄

於教化簡書填委獄訟繁興苛吏舞文寃人致辟思欲

刷耻改行厥路無由豈天地父母慈愛之意也朕主生

靈之重託羣后之上夕惕若厲不敢荒寧內訪卿士外咨方岳日不暇給八年於茲而大道淳風鬱而不振四郊多壘連歲備邊師旅在外役費尤廣賦役轉輸疾耗吾人困竭無聊窮斯濫矣下庶暗昧不見刑網戎士在軍未習法令犯禁抵罪其徒實繁狴犴之間未詳事實吏議不決動淹時月傷沮和氣屢彰咎徵此皆朕之不明教之未至上失其道而繩下以刑敢不罪己以答災眚人者君之支體害之則君有所傷刑者教之輔助失之則人無所措慮有寃濫慘然憂傷用明慎罰之典俾宏在宥之澤其天下見禁囚死罪降從流流已下釋放

左降流人移隸等委所司奏聽進止如聞州縣官比來  
率意恣行麤杖不依格令致使殞斃深可哀傷頻有處  
分仍聞乖越自今已後非灼然蠹害不得輒加非理所  
司嚴加糾察以聞先是皇姨弟薛華因酒色之忿手刃  
三人棄尸於井事發繫獄賜自盡故有是詔八月丙申  
朔自夏四月連雨至此月京城米斗八百文官出米二  
萬石減估而糶以惠貧民己卯虎入長壽坊元載家廟  
射生將周皓引弩斃之冬十月乙卯以汝州刺史孟皞  
爲京兆尹

丁巳大霧  
五行志無

十一月辛未禁畿內弋獵

壬申杜  
鴻漸罷

癸酉元載權知門下省事甲戌吐蕃  
寇靈州朔方節度留後常謙光敗之

乙亥門下侍郎同

中書門下平章事衛國公杜鴻漸卒丙子以左僕射冀

國公裴冕同中書門下平章事癸巳充東都留守河南淮

南淮西山南東道副元帥十二月乙未敕左右補闕拾

遺內供奉員左右各置兩員餘罷之戊戌裴冕卒辛酉

敕京兆府稅宜分作兩等上等每畝稅一斗下等稅六

升能耕墾荒地者稅二升是歲廣州人馬崇道桂州人朱濟時反容管經畧使王翊

之敗

五年春正月乙丑朔辛卯以陝州節度使皇甫溫判鳳

翔尹充鳳翔河隴節度使鳳翔節度使李抱玉判梁州

事充山南西道節度使壬申河南尹張延賞兼御史大

夫充東都留守罷河南淮西淮南山南東道副元帥所  
管軍隸東都留守二月戊戌李抱玉移鎮蓋屋鳳翔軍

忿縱兵大掠數日方止己亥廢仙州以襄城葉縣隸汝

州三月詔罷魚朝恩觀軍容使己巳

新書  
癸酉

朝恩自縊而

死戊寅詔定京兆府戶稅夏稅上田畝稅六升下田四

升秋稅上田畝五升下田三升荒田開墾者二升

丙戌  
以昭

陵皇堂有光  
赦京兆關輔

己丑敕唐虞之際內有百揆庶政惟和至

於宗周六卿分職以倡九牧書曰龍作納言帝命惟允

詩云仲山甫王之喉舌皆尚書之任也雖西漢以二府

分理東京以三公總務至於領錄天下之綱綜覈萬事

之要邦國善否出納之由莫不處正於會府也今僕以  
綜詳朝政丞郎以彌綸國典法天地而分四序配星辰  
而統五行元本於是乎在九卿之職亦中臺之輔助小  
大之政多所關決自王室多難一紀於茲東征西伐畧  
無寧歲內外薦費徵求調發皆迫於國計切於軍期率  
於權便裁之新書從事且救當時之急殊非致理之道  
今外虞旣平罔不率俾天時人事表裏相符將明畫一  
之法大布惟新之命陶甄化源去末歸本魏晉有度支  
尚書校計軍國之用國朝但以郎官署領辦集有餘時  
艱之後方立使額參佐旣衆簿書轉煩終無宏益又失

事體其度支使及關內河東山南西道劍南西川轉運  
常平鹽鐵等使宜停禮儀之本職在奉常往年置使因  
循未改有乖舊制實曠司存委太常卿自舉本職其使  
宜停漢朝丞相與公卿以下五日一決事帝親斷可否  
且國之安危不獨注於將相政之理亂固亦在於庶官  
尙書侍郎左右丞及九卿參領要重朕所親倚固當朝  
夕進見以之匡益也並宜詳校所掌具陳損益如非時  
宜須有奏議亦聽詣閣請對當親覽其意擇善而從朕  
受昊天之感命承累聖之鴻業齊心滌慮夙夜憂勞顧  
以不敏不明薄於德化致使舊章多廢至理未宏其心



愧恥終食三歎雖詔書屢下以申振卹且朝典未舉猶  
深鬱悼思與百辟卿士勵精於理俾國經王道可舉而  
行各宜承式以恭爾位諸州置屯亦宜停於是悉以度  
支之務委於宰相辛卯以兵部侍郎賈至爲京兆尹以  
京西兵馬使李忠臣爲鳳翔尹代皇甫溫溫移鎮陝州  
夏四月庚子湖南都團練使崔瓘爲其兵馬使臧玠所  
殺玠據潭州爲亂澧州刺史楊子琳道州刺史裴虬衡  
州刺史楊濟各出軍討玠乙巳夜歲星入軒轅丙午復  
置先農馬祖壇祀之丁未封幽州節度使朱希彩爲高  
密郡王己未夜彗起五車長三丈庚申宰臣太原尹王

縉入朝五月辛未刑部侍郎黎幹爲桂州刺史桂管防禦經畧招討觀察等使己卯夜彗起北方其色白庚辰貶禮儀使禮部尙書裴士淹爲虔州刺史戶部侍郎判度支第五琦爲饒州刺史皆魚朝恩黨也元載旣誅朝恩下制罷使仍放黜之癸未以羽林大將軍辛京杲爲潭州刺史湖南觀察使甲申西北白氣竟天徙置當悉相靜恭五州於山險要害地備吐蕃也六月己未彗星始滅赦天下見禁囚徒

錄魏徵王珪李靖李勣房元齡杜如晦之後

秋七月

丁卯以浙東觀察使越州刺史御史大夫薛兼訓爲檢校工部尙書太原尹北都留守充河東節度使是月京

城米斗一千文八月辛卯宰臣元載上疏請置中都於  
河中府秋杪行幸春中還京以避蕃戎侵寇之患疏入  
不報載疏大旨以關輔河東等十州戶稅入奉京師創  
置精兵五萬以威四方辭多捍闔欲權歸於已也九月丁  
丑以宣歙池等州都團練觀察使宣州刺史兼御史中  
丞陳少遊充浙東團練觀察使吐蕃寇永壽汴州田神  
功來朝十二月乙未改巫州爲澁州業州爲蔣州是歲  
將王國良反及  
西原蠻寇州縣

六年春正月己未朔戊寅於鄜州之析城置肅戍軍二  
月壬寅李抱玉罷山  
南西道副元帥乙酉御史大夫敬括卒三月王翊  
敗梁崇率

克容夏四月丁巳上御宣政殿試制舉人至夕策未成

者令太官給燭俾盡其才己未澧州刺史楊子琳來朝

賜名猷丁丑改果州爲充州戊寅藍田西詔纂組文繡

正害女紅今師旅未息黎元空虛豈可使淫巧之風有

虧常制其綾錦花文所織盤龍對鳳麒麟獅子天馬辟

邪孔雀仙鶴芝草萬字雙勝透背及大綢錦竭鑿六破

已上並宜禁斷其常行高麗白錦大小花綾錦任依舊

例織造有司明行曉諭五月癸卯以河南尹張延賞爲

御史大夫戊申殺黠中侍御史陸珽成都府司錄參軍事李少良大理評事韋頌秋七月

乙巳月掩畢八月乙卯淮南節度使韋元甫卒丙辰以

東都副留守常休明爲檢校左散騎常侍河陽三城使  
夏旱此月己未始雨庚午以御史大夫張延賞爲揚州  
大都督府長史淮南節度使丙午以蘇州刺史浙西觀  
察使李栖筠爲御史大夫丁丑獲白兔於太極殿之內  
廊庚辰夜月入紫微垣九月壬辰夜熒惑犯哭星自八  
月連雨害秋稼戊申於輪臺置靜塞軍辛亥熒惑入壁  
壘冬十月壬午滄州置橫海軍十一月己亥文單國王  
婆彌來朝獻馴象一十一壬寅夜月入太微又掩氏天文  
志丙午十二月己未江西觀察使檢校刑部尙書魏少遊  
卒庚午制以文單王婆彌爲開府儀同三司試殿中監

是歲春旱米斛至萬錢

七年春正月癸未朔戊子於魏州頓邱縣置澶州以頓邱縣之觀城店置觀城縣以張清豐店置清豐縣并割魏州之臨黃縣並隸澶州以貝州臨清縣之張橋店置永濟縣乙未月犯軒轅庚子以檢校戶部尙書路嗣恭爲洪州刺史兼御史大夫江西觀察使辛丑太常卿楊紹兼充禮儀使甲辰迴紇使出鴻臚寺劫掠坊市吏不能禁止復三百騎犯金光朱雀等門是日皇城諸門皆閉慰諭之方止二月甲寅以兵部侍郎李涵爲蘇州刺史兼御史中丞充浙西觀察使鎮星臨太微戊午夜月

掩天關

庚午江  
水汎溢

三月壬辰詔諫議大夫置四員爲定夏

月甲寅迴紇王子李秉義卒歸國宿衛賜名也五月乙

酉雨雹大風折樹丙戌夜月入太微辛卯徙忻州之七

聖容於太原府之紫極宮乙未詔躋於道者化淳而刑

措善於理者網舉而網疎朕涉道未宏燭理多昧常亦

遐想太古高挹元風保合太和在宥天下蓋德薄而未

臻也是用因時以設教便俗以立防務盡平恕用伸哀

卹又化淺而多犯也加以邊虞未戢徭賦適繁荒費之

際寇攘斯起遂令園土嘉石之下積有繫囚竹章牙簡

之中困於法吏屬盛陽之候大暑方蒸仍念徃牢何堪

鬱灼所以汨傷和氣感致咎徵天道人事豈相遠也如  
聞天下諸州或憊時雨首種不入宿麥未登哀我矜人  
何恃不恐皆由朕過益用懼焉惕然憂嗟深自咎責所  
以減膳徹樂別居齋宮禱於神明冀獲嘉應仲夏之月  
靜事無爲以助宴陰以宏長養斷薄泆小已過於麥秋  
繼長增高宜順乎天意可大赦天下見禁囚徒罪無輕  
重一切釋放癸亥以檢校禮部尙書蔣渙充東都留守  
六月庚戌朔有司言日食陰雲不見天文志無丁丑詔誠薄  
葬不得造假花果及金手脫寶鈿等物秋七月癸巳迴  
紇蕃客奪長安縣令邵說所乘馬人吏不能禁八月庚



戊賜北庭都護曹令忠姓名曰李元忠九月乙未工部

尚書于休烈卒

是秋幽州盧龍將李懷瑗殺其節度使朱希彩經畧軍副使朱泚自稱留後案

兩書李懷仙傳皆作李瑗懷字疑衍

冬十月王子上畋於苑中矢一發貫

二兔從臣皆賀辛未以權知幽州盧龍節度留後朱泚

檢校左散騎常侍充幽州盧龍節度使

乙亥以淮南旱免租庸三之二

丙子以太府卿呂崇賁爲廣州都督充嶺南節度使十

一月庚辰詔自頃蕃戎入寇巴南屢多征役其巴達渠

集壁充通開等州宜放二年租庸甲申以福建觀察使

李承昭爲禮部尚書華州刺史李琦爲福州刺史福建

都團練觀察使辛卯以嶺南節度使李勉爲工部尚書

十二月丙寅雨土是夜長星出於參辛未滑州置永平  
軍壬申禁鑄銅器癸酉大雪是秋稔迴紇吐蕃大食渤  
海室韋靺鞨契丹奚牂牁康國石國竝遣使朝貢

八年春正月丁丑朔壬午昭義軍節度使檢校右僕射

相州刺史薛嵩卒癸卯敕天下青苗地頭錢每畝十五

文率京畿三十文自今一例十五文甲辰京官三品已上

郎官御史每年各舉一人堪爲刺史縣令者二月表戊申田

承嗣爲太尉甲子御史大夫李栖筠彈吏部侍郎徐文下關丁

卯幽州節度使朱泚加檢校戶部尙書封懷寧郡王徐

浩薛邕違格竝停知選事壬申永平軍節度使檢校右

僕射滑州刺史霍國公令狐彰卒遺表薦劉晏李勉代  
已三月丙子以工部尚書李勉兼御史大夫滑州刺史  
充永平軍節度滑毫觀察等使夏四月戊申乾陵上仙  
觀之尊殿有雙鵲啣紫泥補殿之隙缺凡十五處戊午  
以太僕卿吳仲孺爲鄂州刺史鄂岳沔等州團練觀察  
使五月乙酉貶吏部侍郎徐浩明州別駕薛邕歙州刺  
史京兆尹杜濟杭州刺史皆坐典選也太府卿于頔  
爲京兆尹辛卯新書鄭王邕薨贈昭靖太子壬辰曲赦  
京城繫囚癸卯詔赦天下繫囚死罪降從流流已下竝  
放六月隴州華亭縣置義寧軍癸亥戶部侍郎判度支

韓滉奏安邑鹽池生乳鹽是夏城奉天以備蕃寇秋七

月己卯太白入東井乙未月掩畢八月甲寅詔吏部尙

書劉晏知三銓選事己未吐蕃寇靈武郭子儀敗之於

華州屯田庚午靈武奏蕃軍退去辛未幽州節度使朱

泚弟滔率五千騎來朝請河西防秋詔千騎還於國門

許自皇城南面出開遠門赴涇州行營九月癸酉臨晉

公主薨壬午嶺南節度使呂崇賁爲部將循州刺史哥舒晃

所殺癸未晉州男子郇謨以麻辮髮持竹筐及葦席哭

於東市請進三十字如不稱旨請裹尸於席筐上召見

賜衣館之禁中內二字曰監團欲去諸道監軍團練使

也丁亥貶左巡使殿中侍御史楊護以其抑郇謨而不  
上聞也戊子詔京官五品已上各上封事言政得失已  
丑夜太白入太微甲午東都留守蔣瓊兼知東都貢舉  
戊戌以辰錦觀察使李昌巖爲桂州刺史桂管防禦觀  
察使大鳥見武功肉翅狐首四足有爪爪長四尺三寸  
毛赤如蝙蝠羣鳥隨而噪之神策將張白五行志  
作日芬射  
斃以獻冬十月癸卯魏博田承嗣加同平章事丁巳夜  
月掩畢庚申吐蕃寇涇州邠州甲子新書  
丙寅子儀先鋒將渾  
瑊與吐蕃戰於宜祿我師不利瑊與涇原馬璘極力追  
躡戰於  
番原蕃軍潰去乙丑以江西觀察使路嗣恭爲廣州

刺史充嶺南節度使封冀國公以浙東觀察使越州刺史陳少遊爲揚州大都督府長史充淮南節度使戊辰郭子儀奏破吐蕃十萬百僚稱賀十一月己卯夜月入羽林癸巳月入太微閏月壬寅朔庚戌汴宋節度使田神功來朝辛酉淮西節度使李忠臣來朝十二月癸酉月入羽林是冬無雪是歲大有年

九年春正月庚子朔壬寅汴宋節度使太子少師檢校尚書右僕射兼御史大夫汴州刺史田神功卒澧朗鎮遏使澧州刺史楊猷擅浮江而下至鄂州詔許赴汝州遂泝漢而上復郢襄等州皆閉城拒之二月

辛未徐州兵亂逐其

刺史  
梁乘

己丑以田神功弟神玉權知汴宋留後癸巳郭子儀自邠州來朝李抱玉自鳳翔來朝三月丙午禁畿內漁獵採捕自正月至五月晦永爲常式戊子以澧州刺史楊猷爲洮州刺史夏四月丁丑月入太微己卯以桂管觀察使黎幹爲京兆尹兼御史大夫甲申中書舍人常衮率兩省官一十八人詣閣請論事詔三人引對各盡所懷乙酉詔郭子儀等大閱以備吐蕃壬辰詔赦大辟已下繫囚無輕重釋放乙未華陽公主薨上悲惜之累日不聽朝宰臣抗疏陳請之五月庚戌廢泚州庚申詔度支使支七十萬貫轉運使五十萬貫和糴歲豐穀

賤也乙丑詔四海之內方協大寧西戎無厭獨阻王命不可忘戰尙勞邊事朕頃以兵革之後軍國空耗躬率節儉務勤農桑上元儲休仍歲大稔益用多愧不知其然雖屬此人和近於家給而邊穀未實戎備猶虛因其天時思致豐積將設平糴以之餽軍然以中都所供內府不足粗充常入之數豈期倍餘之收其在方面盡臣成茲大計共佐公家之急以資塞下之儲每道歲有防秋兵馬其淮南四千人浙西三千人魏博四千人昭義二千人成德三千人山南東道三千人荆南二千人湖南三千人山南西道二千人劍南西川三千人東川二



千人鄂岳一千五百人宣歙三千人福建一千五百人

其嶺南浙東浙

疑作江

西亦合準例恐路遠往來增費各

委本道每年取當使諸色雜錢及回易利潤贓贖錢等  
每人計二十貫每道據合配防秋人數多少都計錢數  
市輕貨送納上都以備和糴仍以秋收送畢涇原節度  
使馬璘來朝丙寅加馬璘尚書左僕射知省事璘諷將  
士進狀求宰相故有是授幽州節度使朱泚遣弟滔奉  
表請自入朝兼自率五千騎防秋許之詔所司築第待  
之六月己卯月掩南斗庚辰月入太微秋七月甲辰月  
掩房又入羽林

天文志  
辛亥

久旱京兆尹黎幹歷禱諸祠未

雨又請禱文宣廟上曰邱之禱久矣八月辛未以虢州  
刺史宋晦爲同州刺史充長春宮營田等使戊寅以陝  
州大都督府長史皇甫溫爲越州刺史充浙東觀察使  
辛卯月掩軒轅九月庚子幽州節度使朱泚來朝乙巳  
渭北節度使坊州刺史臧希讓卒是秋大雨冬十月壬  
申信王瑱薨乙亥梁王璿薨以前宣州刺史季廣琛爲  
右散騎常侍十一月戊戌大雪平地盈尺庚子以商州  
刺史李國清爲陝州大都督府長史充陝州觀察使十  
二月庚寅以中書舍人楊炎祕書少監韋肇竝爲吏部  
侍郎中書舍人常袞爲禮部侍郎壬辰赦京城繫囚死

罪降從流流已下並釋放

十年春正月乙未朔丁酉昭義牙將裴志清逐其帥薛

男薛男奔洛州上章待罪志清率衆歸田承嗣壬寅壽

王珣薨乙未朱泚抗表乞留京師西征吐蕃請以弟滔

權爲幽州留後許之以昭義將薛擇爲相州刺史薛雄

爲衛州刺史薛堅爲洛州刺史皆嵩之族人也戊申遣

使慰諭田承嗣令各守封疆承嗣不奉詔壬子兗州復

爲果州癸丑田承嗣盜取洛州又破衛州乙卯劍南西

寧及吐蕃戰於西山敗之二月乙丑盜殺衛州刺史薛雄丙寅罷辰

錦溪獎五州經畧使復隸黔中辛未制第四子述封睦

王充嶺南節度度支營田五府經畧觀察處置等大使  
第五子逾可封郴王充渭北鄜坊等州節度大使第六  
子連封恩王第七子韓王迴可充汴宋節度大使第八  
子邁封鄜王第十三子造封忻王充昭義節度大使第  
十四子邁封韶王第十五子運封嘉王第十六子遇封  
端王第十七子適封循王第十八子通封恭王第十九  
子達封原王第二十子逸封雅王竝可開府儀同三司  
不出閤丙子以華州刺史李承昭爲相州刺史知昭義  
兵馬留後時田承嗣盡盜入相衛所管四州之地自署  
長吏是日河陽軍亂逐城使常休明迫牙將王惟恭爲

留後軍士大掠數日休明奔東都甲申以淄青平盧節  
度觀察海運押新羅渤海兩蕃等使檢校工部尚書青  
州刺史李正己檢校尚書左僕射前隴右節度副使隴  
州刺史馬燧爲商州刺史充本州防禦使三月甲午陝  
州軍亂逐觀察使李國清縱兵大掠國清卑辭徧拜將  
士方免禍一夕而定乙巳薛平常休明至闕下素服待  
罪丁未以左散騎常侍孟皞爲華州刺史充潼關防禦  
使庚戌熒惑入壁壘夏四月太常寺奏諸州府所用斗  
秤當寺給銅斗秤州府依樣製造而行從之乙丑制魏  
博節度使開府儀同三司太尉檢校尚書左僕射同中

書門下平章事魏州大都督府長史上柱國雁門郡王

田承嗣可貶永州刺史仍詔河東鎮冀幽州淄青淮西

滑毫汴宋澤潞河陽諸道出師進討

給復昭義五州二年

甲申大

雨雹暴風拔樹飄屋瓦落鴟吻人震死者十之二京畿

損稼者七縣

新書在五  
月甲寅誤

五月乙未田承嗣部將霍榮國

以磁州歸癸卯劍南置昌州罷兩都貢舉都集上都停

童子科六月辛未

新書  
甲戌

田承嗣遣其黨裴志清攻圍冀

州爲李寶臣所敗秋七月己未戶部尙書暢瓘卒杭州

大風海水翻潮溺州民五千家船千艘八月丁卯田承

嗣上表請束身歸朝戊子夜月入太微己丑田承嗣將

盧子期攻磁州九月戊戌荆南節度使衛伯玉來朝壬

寅宥京城繫囚戊申迴紇白晝殺人於市吏捕之拘於

萬年獄其首領赤心持兵入縣劫囚而出斫傷獄吏月

暈熒惑犯昴五車參東井等星壬子吐蕃寇臨涇癸丑吐蕃寇

隴州丙辰鳳翔李抱玉擊敗之敗之於義寧丁巳馬戊午

幽州節度使朱泚鎮奉天冬十月辛酉朔日有食之癸

亥以商州刺史馬燧檢校左散騎常侍河陽三城使甲

子昭義節度使李承昭與盧子期戰於磁州清水縣大

破之生擒子期以獻丙寅貴妃獨孤氏薨丁卯追贈曰貞

懿皇后已丑尚書右僕射裴遵慶卒十一月辛卯新平

公主薨丁酉田承嗣所署瀛州刺史吳希光以城降丁未路嗣恭破廣州擒哥舒晃斬首以獻

十一年春正月庚寅朔田承嗣上表請罪壬辰遣諫議大夫杜亞使魏州宣慰許其自新辛亥劍南節度使崔寧奏大破吐蕃二十萬斬首萬級生擒首領一千一百五十人獻於闕下二月癸亥荆南節度使衛伯玉卒於京師戊子河陽軍復亂大掠三日監軍使冉廷蘭率兵斬其亂首方定戊申昌樂公主薨辛亥御史大夫李栖筠卒夏四月戊午朔丙子以浙西觀察使蘇州刺史李涵爲御史大夫知臺事充京畿觀察使己卯以前淮南



節度使楊州大都督府長史御史大夫張延賞爲江陵尹兼御史大夫充荆南節度使五月癸巳以永平軍節度使李勉爲汴州刺史充汴宋等八州節度觀察留後時汴將李靈耀專殺濮州刺史孟鑒北連田承嗣故命勉兼領汴州授靈耀濮州刺史靈耀不受詔六月戊午以李靈耀爲汴州刺史充節度留後秋七月戊子夜暴澍雨平地水深盈尺溝渠漲溢廩坊民千二百家庚寅田承嗣兵寇滑州李勉拒戰而敗八月丙寅幽州節度使朱泚加同中書門下平章事李靈耀據汴州叛甲申命淮西李忠臣滑州李勉河陽馬燧三鎮兵討之閏月

丁酉太白經天九月乙丑李忠臣等兵進營鄭州靈耀

之衆來薄戰淮西兵亂乃退軍於滎澤戊辰淄青李正

已奏取鄆濮二州冬十月乙酉忠臣等軍破賊於中牟

壬辰進軍又敗賊於汴州郭外乃攻之壬寅淮南節度使陳少遊及李靈耀

戰於汴州敗之乙巳承嗣遣姪悅率兵三萬援靈耀丙午淮西

河陽之師合擊田悅營其衆大敗敗之於匡城脫身北走靈

耀聞悅之敗棄城遁走汴州平丁未滑將杜如江生擒

靈耀而獻甲寅靈耀伏誅十二月丁亥加淄青平盧節度使檢

校尙書左僕射青州刺史饒陽王李正己爲檢校司空

同中書門下平章事成德軍節度使太子太傅檢校尙

書左僕射隴西郡王李寶臣爲檢校司空同中書門下平章事庚寅涇原節度使檢校尚書左僕射知省事扶風郡王馬璘卒丁酉以涇原節度副使試太常卿張掖郡王段秀實權知河東節度留後北都留守薛兼訓病故也昭義節度使李承昭抗表稱疾以澤潞行軍司馬李抱真權知磁邢兵馬留後庚戌加淮西節度使檢校尚書右僕射安州刺史西平郡王李忠臣檢校司空同中書門下平章事仍兼汴州刺史

十二年春正月甲寅朔辛酉以四鎮北庭涇原節度副使知節度使事張掖郡王段秀實爲涇州刺史兼御史

大夫充本州團練使月掩軒轅

天文志  
乙丑

渤海使獻日本

國舞女十一人癸酉月掩心前大星又入南斗魁

天文志  
丙

子京師旱分命祈禱二月戊子淄青節度使李正己之

子納爲青州刺史充淄青節度留後丁未以朗州刺史

李國清爲黔州刺史黔中經畧招討觀察使三月乙卯

河西隴右副元帥鳳翔懷澤潞秦隴等州節度觀察等

使兵部尙書同中書門下平章事潞州大都督府長史

知鳳翔府事上柱國涼國公李抱玉卒壬戌月入太微

癸亥以太原少尹河南節度行軍司馬權知河東留後

鮑防爲太原尹御史大夫充北都留守河東節度使戊

辰月逼心前星庚午左降官永州刺史田承嗣復授魏  
博節度使餘官竝如故承嗣姪悅子綰緒綸竝復舊官  
庚辰宰相元載王縉得罪下獄命吏部尙書劉晏訊鞫  
之辛巳制中書侍郎同平章事元載賜自盡門下侍郎  
同平章事王縉貶括州刺史夏四月壬午以朝議大夫  
守太常卿兼修國史楊綰爲中書侍郎尙書禮部侍郎  
集賢院學士常袞爲門下侍郎竝同中書門下平章事  
癸未以右庶子潘炎爲禮部侍郎貶吏部侍郎楊炎爲  
道州司馬元載黨也諫議大夫知制誥韓洄王定包佶  
徐璜戶部侍郎趙縱大理少卿裴翼太常少卿王紱起

居舍人韓會等十餘人皆坐元載貶官也給事中杜亞  
使魏州賜田承嗣鐵券癸巳以前祕書監李揆爲睦州  
刺史揆故宰相爲元載所忌二十年流落丐食江湖間  
載誅方得爲郡又召顏真卿於湖州亦載所忌斥外也  
詔諫官獻封事勿限時側門論事者隨狀  
面奏六品以上言事投匭者勿勒副狀乙未月掩心

前星丁酉西川破吐蕃於望漢城擒蕃將大籠官論器  
然以獻壬寅以前商州刺史烏崇福爲安南都護本管  
經畧使渤海奚契丹室韋靺鞨並遣使朝貢己酉加京  
官料錢文武班諸司共二千七百九十六員文官一千  
八百五十四員武官九百四十二員歲加給一十五萬

六千貫并舊給凡二十六萬貫以關內副元帥兵馬使

渾瑊兼邠州刺史

是月金州人卓英璘反

五月辛亥罷天下州團

練守捉使名甲寅諸道邸務在上都名曰留後改爲進奏院丙

辰夜月入太微辛酉貶刑部尚書王昂連州刺史昂至萬州

卒庚午敕毀元載祖父墳剖棺棄骸焚毀私廟主於大

寧里甲戌以前安南都護張伯儀爲廣州刺史兼御史

大夫充嶺南節度使六月癸巳時小旱上齋居祈禱聖

體不康是日不視朝

乙巳英璘伏誅給復金州二年丁未以旱降京師死罪流以下原之

秋七月戊午罷潤州丹陽軍蘇州常州軍己巳中書侍

郎同中書門下平章事集賢殿崇文館大學士兼修國

史楊綰卒

丙子詔尚書御史大夫左  
右丞侍郎舉任刺史者

八月癸巳賜東川

節度使鮮于叔明姓李氏癸卯宰臣讓賜食先是元載

王縉輔政每日賜食因爲故事至是常袞等上表云殮

錢已多更頒御膳胡顏自安乞停賜食從之甲辰以湖

州刺史顏真卿爲刑部尚書乙巳以久雨宥常參百僚

不許御史點班九月乙卯許以庶人禮葬元載辛酉以

涇原節度副使段秀實爲四鎮北庭行營涇原鄭頴等

節度使庚午吐蕃寇坊州掠党項羊馬而去是秋宋毫

陳滑等州水冬十月丁亥戶部侍郎判度支韓滉言解

縣兩池生瑞鹽乃置祠號寶應靈慶池壬寅

天文志  
壬辰

夜



月掩昂又入太微

天文志庚子

乙巳以滑州牙將劉洽爲宋

州刺史京兆尹黎幹奏水損田三萬一千頃度支使韓

滉奏所損不多兼渭南令劉藻曲附滉亦云部內田不

損差御史趙計檢渭南田亦附滉云不損上曰水旱咸

均不宜渭南獨免復命御史朱敖檢之渭南損田三千

頃上歎息曰縣令職在字人不損亦宜稱損損而不聞

豈有卹隱之意邪劉藻趙計皆貶官十一月

王子山南西道節度

使張獻恭及吐蕃戰於岷州敗之

癸丑太白臨哭星乙卯夜月入羽林

癸酉以右散騎常侍蕭昕爲工部尙書刑部尙書顏真

卿獻所著韻海鏡源三百六十卷十二月丁亥西川崔

寧奏於西山破吐蕃十萬斬首八千生擒九百人己亥  
天下仙洞靈迹禁樵捕庚子以幽州節度使朱泚兼隴  
右節度副大使權知河西澤潞行營兵馬事京兆尹請  
修六門堰許之

是歲恒定趙三州地震冬無雪

十三年春正月戊申朔辛酉壞白渠礪磴八十餘所以  
奪農溉田也壬戌刑部尚書魯郡公顏真卿三抗章乞  
致仕不允淄青節度使李正己請附屬籍從之戊辰迴  
紇寇太原

癸酉

鮑防與之戰

戰於陽曲

我師不利朱泚徙封遂

寧郡王二月庚辰代州都督張光晟擊迴紇戰於羊武  
谷破之北人乃安己亥吐蕃寇靈武甲辰太僕寺佛堂

有小脫空金剛右臂忽有黑汗滴下以紙承之色類血  
三月甲戌河陽將士劫迴紇輜重因與相鬪縱兵大掠  
久之方定夏四月丁亥以浙西觀察留後李道昌爲蘇  
州刺史兼御史中丞充浙西都團練觀察使己丑以京  
畿觀察使李涵爲御史大夫甲辰吐蕃寇靈州朔方留  
後常謙光擊敗之五月戊午宦官劉清潭賜名忠翼六  
月戊戌隴右節度使朱泚於軍士趙貴家得貓鼠同乳  
不相害籠而獻之秋七月壬子中書舍人崔祐甫知吏  
部選事癸丑劍南節度使崔寧加檢校司空東川節度  
使李叔明加檢校工部尙書辛未吐蕃寇鹽州慶州八

月甲戌朔成德節度使李寶臣抗章請復本姓張氏從

之冬十月

已丑禁京畿持兵器捕獵

丁酉葬貞懿皇后於莊陵十一

月丁卯日長至有司祀昊天上帝於南郊上不視朝故也十二月丙戌以吏部尙書劉晏爲左僕射判使如故以給事中杜亞爲洪州刺史兼御史中丞充江西觀察使以嶺南觀察使路嗣恭爲兵部尙書是歲郴州黃岑山崩壓死者數百人

十四年春正月壬寅朔壬戌以楚州刺史李泌爲澧州刺史二月癸未魏博節度使太尉檢校尙書左僕射同中書門下平章事魏州大都督府長史田承嗣卒甲申

以魏博中軍兵馬使左司馬田悅兼御史中丞充魏博  
節度留後三月丁未淮西節度使李忠臣爲麾下將族  
姪李希烈所逐忠臣狼狽歸朝上以忠臣立功於國乃  
授檢校司空同平章事庚戌以河南尹嚴郢爲京兆尹  
河中少尹知府事趙惠伯爲河南尹辛酉以前容管經  
畧使容州刺史王翊爲河中少尹知府事夏四月癸未  
成德節度使張寶臣復請姓李從之五月癸卯上不康  
至辛亥不視朝北都留守鮑防下闕文以北庭歸朝辛酉  
詔皇太子監國是夕上崩於紫宸之內殿遺詔皇太子  
柩前卽位壬戌遷神柩於太極殿發喪八月庚申羣臣

上尊諡曰睿文孝武皇帝廟號代宗十月己酉葬於元陵十二月丁酉祔於太廟

史臣曰嗚呼治道之失也若河決金隄火炎崑岡雖神禹之乘四載元冥之灑八瀛亦不能堙洪濤而撲烈焰者何也良以勢旣壞而不能遽救也觀夫開元之治也則橫制六合駿奔百蠻及天寶之亂也天子不能守兩都諸侯不能安九牧是知有天下者治道其可忽乎明皇之失馭也則祿山暴起於幽陵至德之失馭也則思明再陷於河洛大厯之失馭也則懷恩鄉導於犬戎自三盜合從九州羹沸軍士膏於原野民力殫於轉輸室

家相弔人不聊生而子儀號泣於用兵元載殷憂於避  
狄然而代宗皇帝少屬亂離老於軍旅識人間之情僞  
知稼穡之艱難內有李郭之効忠外有昆戎之幸利遂  
得兇渠傳首叛黨革心關輔載寧獫狁戎漸弭至如稔輔  
國之惡議元振之罪去朝恩之權不以酷刑俾之自咎  
亦立法念功之旨也罪已以傷僕固徹樂而悼神功懲  
繒載之姦回重衮綰之儒雅修已以禳星變側身以謝  
咎徵古之賢君未能及此而猶有李靈耀作梗田承嗣  
負恩命將出軍勞師弊賦者蓋陽九之未泰豈君道之  
過歟

贊曰羣盜方梗諸戎競侵猛士嘗膽忠臣痛心掃除沴  
氣敷衍德音延洪納祉帝慮何深

新書贊曰代宗之時餘孽猶在  
平亂守成蓋亦中材之主也

唐書卷第十一

